

Prilog br. 1: NASTAVNI LISTIĆI ZA GRUPE



PAS

Pas je vjeran i razigran kućni ljubimac. Ljudi ga često zovu čovjekov najbolji prijatelj. Pas voli **trčati, igrati se i šetati** sa svojim vlasnikom. Jede **posebnu hranu za pse**, a ponekad i **meso**. Psu treba voda, hrana i puno ljubavi. Pas živi u **kući ili u dvorištu** i čuva svoj dom. Tijelo psa prekriveno je **dlakom** koja ga štiti od hladnoće. Pas se kreće **hodanjem i trčanjem** na četiri noge. Voli boraviti napolju, ali i u toplom domu sa ljudima.

ZADATAK: Kada dođeš u grupu „PAS“, razgovaraj sa članovima grupe i popunite tabelu.

Čime je tijelo psa prekriveno	Kako se kreće	Šta jede	Gdje živi



MAČKA

Mačka je miran i umiljat kućni ljubimac. Voli spavati i igrati se klupkom vune ili lopticama. Mačke jedu **posebnu hranu** za mačke, a ponekad i **meso**. One su vrlo spretne i mogu se tiho kretati. Mačka često lovi miševe. Mačke vole da ih mazimo. Tijelo mačke prekriveno je **mekanom dlakom**. Mačka živi **u kući ili stanu**, ali može boraviti i **napolju**. Kreće se lagano, **hoda, trči i skače** vrlo spretno.

ZADATAK: Kada dođeš u grupu „MAČKA“, razgovaraj sa članovima grupe i popunite tabelu.

Čime je tijelo mačke prekriveno	Kako se kreće	Šta jede	Gdje živi



PAPAGAJ

Papagaj je šarena ptica koja **može živjeti u kavezu**. On voli **sjemenke, voće i vodu**. Papagaji vole pjevati i ponekad mogu naučiti govoriti riječi. Važno je da imaju čist kavez i svjež zrak. Papagaji vole društvo i pažnju.

Tijelo papagaja prekriveno je **perjem raznih boja**. Papagaj se **kreće letenjem**, ali i **skakuće** po granama ili u kavezu. Može živjeti u kući, ali mu treba dovoljno prostora za kretanje.

ZADATAK: Kada dođeš u grupu „PAPAGAJ“, razgovaraj sa članovima grupe i popunite tabelu.

Čime je tijelo papagaja prekriveno	Kako se kreće	Šta jede	Gdje živi



RIBICA

Ribica je kućni ljubimac koji živi **u vodi**. Ona pliva u **akvarijumu**. Ribice jedu **posebnu hranu za ribe**. Voda u akvariju mora biti čista. Ribice su tihe i lijepe za gledanje.

Tijelo ribice prekriveno **je ljuskama**. Ribica se kreće **plivanjem** pomoću peraja i repa. Živi u akvariju koji predstavlja njen životni prostor.

ZADATAK: Kada dođeš u grupu „RIBICA“, razgovaraj sa članovima grupe i popunite tabelu.

Čime je tijelo ribice prekriveno	Kako se kreće	Šta jede	Gdje živi